

Image not found or type unknown

Sut i wneud cais

Gwybodaeth a chynghor am geisiadau i gofrestru gyda ni, gan gynnwys gwybodaeth ar sut i ddyrchwelyd i'r Gofrestr a gweithwyr cymdeithasol wedi cymnwysu tu allan i'r DU.

Cyhoeddwyd gyntaf: 20 June 2019

Diweddariad olaf: 28 January 2025

Lawrlwythwyd y ddogfen hon o gofalcymdeithasol.cymru ac efallai nid hwn yw'r fersiwn diweddaraf.

Ewch i <https://gofalcymdeithasol.cymru/cofrestru/sut-i-wneud-cais> am y fersiwn diweddaraf.

Gwybodaeth a chynghor ynglŷn â gwneud cais i gofrestru gyda ni, gan gynnwys canllawiau i'r rhai sydd am ddychwelyd i'r Gofrestr a gweithwyr cymdeithasol sydd wedi cymhwyso'r tu allan i'r DU.

Pwy sy'n gallu cofrestru

[Mae'r Gofrestr](#) yn agored i'r grwpiau gweithwyr canlynol:

- gweithwyr cymdeithasol
- myfyrwyr gwaith cymdeithasol

Rheolwyr gofal cymdeithasol

- rheolwyr gwasanaethau mabwysiadu
- rheolwyr cartrefi gofal i oedolion
- rheolwyr lleoli oedolion
- rheolwyr eiriolaeth
- rheolwyr gofal cartref
- rheolwyr gwasanaethau maethu
- rheolwyr gofal preswyl i blant
- rheolwyr canolfannau preswyl i deuluoedd
- rheolwyr gwasanaethau llety diogel
- rheolwyr ysgolion preswyl arbennig (gellir ymgeisio i gofrestru o 1 Ebrill 2024. Bydd hi'n orfodol i gofrestru o 1 Ebrill 2025).

Gweithwyr gofal cymdeithasol

- gweithwyr cartrefi gofal i oedolion

- gweithwyr gofal cartref
- gweithwyr gofal preswyl i blant (gan gynnwys gofal preswyl diogel i blant)
- gweithwyr canolfannau preswyl i deuluoedd
- gweithwyr gwasanaethau llety diogel.

Mae'n rhaid i'r holl weithwyr cymdeithasol a rheolwyr gofal cymdeithasol gofrestru ar ôl cwblhau eu cymhwyster neu ddechrau yn y swydd.

Rhaid i bob gweithiwr gofal cymdeithasol cyflogedig arall gofrestru cyn pen chwe mis ar ôl dechrau yn y swydd.

Gwneud cais am y tro cyntaf

Os ydych yn gwneud cais am y tro cyntaf, bydd angen i chi [greu cyfrif GCCarlein](#) i reoli'ch cofrestriad gyda ni.

Mae SCWonline yn caniatáu ichi:

- gwneud cais i gofrestru
- talu eich [ffioedd cofrestru](#)
- [adnewyddu eich cofrestriad](#) ar ôl tair blynedd
- cofnodi eich [Datblygiad Proffesiynol Parhaus DPP \(a elwid gynt yn PRTL\)](#).

Gwybodaeth y bydd angen arnoch i wneud cais

- gyfeiriad e-bost personol
- eich rhif yswiriant gwladol
- manylion eich swydd (gan gynnwys cyfeiriad, teitl swydd a dyddiad dechrau neu ddyddiad dechrau yn y dyfodol os yw'n swydd newydd)
- eich hanes cyflogaeth dros y pum mlynedd diwethaf
- eich manylion banc i sefydlu Debyd Uniongyrchol i dalu [eich ffioedd](#)

- dyddiad eich gwiriad cofnodion troseddol (DBS) diweddaraf
- cadarnhad eich bod yn bwriadu ymarfer yng Nghymru
- [copïau wedi'u gwirio](#) o'ch dogfennau adnabod, oni bai eich bod wedi cael gwiriad gan y Gwasanaeth Datgelu a Gwahardd o fewn y tair blynedd diwethaf neu os ydych yn rhan o'i wasanaeth diweddarau (nid yw hyn yn orfodol i fyfyrwyr)

Manylion eich llwybr i gofrestru

Byddwch chi angen:

- eich tystysgrif cymhwyster (gellir [dod o hyd i gymwysterau derbyniol ar ein darganfyddwr cymwysterau](#))
- neu os nad oes gennych y cymhwyster gofynnol eto, tystiolaeth ar gyfer un o'r ffyrdd eraill o gofrestru. Gallwch chi ddysgu am ffyrdd eraill o gofrestru ar ein tudalen [cymwysterau](#).

Cofnod disgyblu a chofnod troseddol

Mae'n rhaid i chi ddweud wrthym yn eich cais:

- os oes gennych gofnod disgyblu
- os ydych yn destun ymchwiliad ar hyn o bryd
- os oes gennych gofnod troseddol.

Cymeradwyo'ch cais

Mae'n rhaid i geisiadau i gofrestru gael eu cymeradwyo i gadarnhau eich cymeriad da ac nad oes unrhyw resymau pam na ddylech fod ar y Gofrestr.

Ar eich ffurflen gais byddwn yn gofyn i chi ddewis person, o restr o [bobl gymeradwy \(llofnodwyr\)](#) ar gyfer eich sefydliad, i gymeradwyo'ch cais.

Bydd y sawl sy'n eich cymeradwyo yn gallu gweld yr holl wybodaeth ar eich ffurflen gais ac eithrio'ch atebion i'r cwestiynau am iechyd a chydaddoldeb ac amrywiaeth.

Mae'n rhaid i'r sawl sy'n eich cymeradwyo fod yn unigolyn proffesiynol nad yw'n perthyn i chi ac nad oes ganddo/ganddi berthynas bersonol â chi.

Os ydych yn cymhwyso mewn gwaith cymdeithasol yng Nghymru, dewiswch lofnodwr o ddarparwr y cwrs gradd neu'ch cyflogwr gofal cymdeithasol presennol. Os byddwch yn cael swydd erbyn i ni dderbyn cadarnhad o'ch cymhwyster, byddwn yn cysylltu â'ch cyflogwr newydd. Mae hyn yn digwydd cyn i ni gwblhau eich cofrestrriad.

Eich iechyd

Mae'n rhaid i chi ddweud wrthym os oes gennych unrhyw gyflyrau iechyd corfforol neu feddyliol a allai effeithio ar eich gallu i weithio ym maes gofal cymdeithasol.

Eich dogfennau

Anfonwch gopiâu o'r dogfennau gwreiddiol sydd wedi cael eu gwirio gan y sawl sy'n cymeradwyo'ch cais.

Gallwch anfon eich dogfennau trwy ddewis 'Fy Mhroffil' > 'Lanlwytho dogfen' yn eich [cyfrif GCCarlein](#).

Darllenwch [ein canllawiau](#) ar anfon dogfennau atom.

Myfyrwyr gradd gwaith cymdeithasol

Os ydych wedi cael cynnig lle ar gwrs gradd gwaith cymdeithasol yng Nghymru byddwch yn derbyn e-bost gennym i greu [cyfrif GCCarlein](#) er mwyn i chi allu gwneud cais i gofrestru.

Mae'n rhaid i chi gofrestru gyda ni cyn dechrau gradd gwaith cymdeithasol yng Nghymru.

Os ydych yn ystyried astudio am radd gwaith cymdeithasol mewn prifysgol yng Nghymru, mae [cynllun bwrsariaeth gwaith cymdeithasol](#) ar gael.

Gweithwyr cymdeithasol sy'n dychwelyd i ymarfer

Os nad ydych wedi cofrestru'n weithiwr cymdeithasol neu os nad ydych wedi bod yn ymarfer fel gweithiwr cymdeithasol ers tro, mae'n bosibl y bydd angen i chi roi tystiolaeth ychwanegol i ni eich bod yn addas i ymarfer os ydych chi am ddychwelyd i weithio fel gweithiwr cymdeithasol.

Mae hyn yn berthnasol os ydych chi'n:

- gweithiwr cymdeithasol sydd wedi cael profiad o waith cymdeithasol ers cymhwys, ond sydd heb gofrestru ers tair blynedd neu fwy
- gweithiwr cymdeithasol nad yw wedi ymarfer ers cymhwys dros dair blynedd yn ôl.

Os ydych yn weithiwr cymdeithasol cymwysedig sy'n [dychwelyd i ymarfer](#) bydd angen i chi ddangos gwybodaeth a dealltwriaeth gyfredol o ymarfer gwaith cymdeithasol i wneud cais i gofrestru.

Os ydych yn dychwelyd i ymarfer bydd angen i chi ddarparu tystiolaeth o CPD ar gyfer y cyfnod ers i chi gofrestru ddiwethaf.

Gweler ein canllaw [Dychwelyd i ymarfer gwaith cymdeithasol](#) am ragor o wybodaeth.

Darllenwch ein canllawiau am [datblygiad proffesiynol parhaus](#) (DPP).

Gweithwyr cymdeithasol sydd wedi cymhwyso'r tu allan i'r DU

[Darllenwch ein tudalen canllaw i weithwyr cymdeithasol a gymhwysodd y tu allan i'r DU](#) ac sydd am gofrestru i weithio yng Nghymru.

Dileu unigolion o'r Gofrestr

Os ydych wedi cael eich dileu o'r Gofrestr gan banel addasrwydd i ymarfer (gorchymyn dileu) gallwch wneud cais i ddychwelyd i'r Gofrestr bum mlynedd ar ôl y dyddiad i chi gael eich tynnu oddi arni.

I wneud cais i gofrestru eto, bydd angen i chi [gwblhau cais ar GCCarlein](#). Bydd panel yn penderfynu a ddylid caniatáu'ch cais i gofrestru.

Gweithio'r tu allan i Gymru

Os ydych yn penderfynu gweithio'r tu allan i Gymru, bydd angen i chi gysylltu â chorff rheoleiddio'r wlad berthnasol.

Y cyrff rheoleiddio yn y DU yw:

- [Gwaith Cymdeithasol Lloegr \(Social Work England\)](#)
- [Cyngor Gofal Cymdeithasol Gogledd Iwerddon \(NISCC\)](#)
- [Cyngor Gwasanaethau Cymdeithasol yr Alban \(SSSC\)](#).

Fideos canllaw cofrestru

Rydym wedi creu [fideos canllaw](#) i esbonio mwy am gofrestru.

Cysylltu â ni

Os oes gennych gwestiwn neu os na allwch ddod o hyd i'r hyn yr ydych yn edrych amdano, [cysylltwch â ni](#).